

मेरा दिल यो तेरे पै आ गया | By Vijay Kathwal (Vijayraj)

खाटू में तेरे आगे रे बाबा
भाग मेरा यो जाग गया
मेरे खाटूवाले श्याम धणी
मेरा दिल यो तेरे ते आ गया

जबसे तेरी लगन रे लागी
बिन तेरे ना रह पाऊं
जी करे जानू छोड़ के सब कुछ
खाटू में तेरे बस जाऊं
तेरे रंग में रंग के रे बाबा
मजा कसूता आगया
मेरे खाटूवाले श्याम धणी
मेरा दिल यो तेरे ते आ गया

निर्धन हो चाहे कोई धणी हो
लागे सभी कतार में
सबने देवे फाड़ के छप्पर
कमीं नहीं भण्डार में
तेरे बरगा दानी ना देख्या
जो दान में शीश चढ़ा गया
मेरे खाटूवाले श्याम धणी
मेरा दिल यो तेरे ते आ गया

आया था जब दर पे तेरे
होके मैं कंगाल रे
हाथ धरया तन्ने सिर पे मेरे
होगया मालामाल रे
पूछे से इब विजयराज ते
कुण सा खजाना पा गया
मेरे खाटूवाले श्याम धणी
मेरा दिल यो तेरे ते आ गया

<https://bhaktivandana.com/lyrics/%e0%a4%ae%e0%a5%87%e0%a4%b0%e0%a4%be-%e0%a4%a6%e0%a4%bf%e0%a4%b2-%e0%a4%af%e0%a5%8b-%e0%a4%a4%e0%a5%87%e0%a4%b0%e0%a5%87-%e0%a4%aa%e0%a5%88-%e0%a4%86-%e0%a4%97%e0%a4%af%e0%a4%be-by-vijay-kathwal/>